

SAMOA

Faatulagaina o Aiaiga

1. Igoa puupuu ma le amataga
2. Pule Sili
3. Aufaigaluega

2014, Nu. 6

O SE TULAFONO e teuteu ai le Tulafono o le Faalapotopotoga o le Malosi Faa-Eletise 1980 e tusa ai o le tofiga o le Pule Sili ma isi faamoemoega e fesootai i ai.

[7 Aperila 2014]

UA FAIA e le Fono Aoao Faitulafono a Samoa i totonu o le Palemene ua potopoto e faapea:

1. Igoa puupuu ma le amataga-(1) E mafai ona taua lenei Tulafono o le Tulafono o Teuteuga o le Tulafono o le Faalapotopotoga o le Malosi Faa-Eletise 2014 ma e tatau ona faitauina ma avea ma vaega o le Tulafono o le Faalapotopotoga o le Malosi Faa-Eletise 1980.

(2) O lenei Tulafono e amata faamamaluina i le aso e tuuina i ai le maliega a Le Ao o le Malo.

2. Pule Sili - Mo fuaiupu 32(2) ma le 32(3) o le Tulafono o le Faalapotopotoga o le Malosi Faa-Eletise 1980, ia suia e faapea:

“(2) E leai se tagata e tatau ona tofia e avea o se Pule Sili seia vagana o lea tagata:

(a) o se inisinia agavaa; ma

(b) e i ai sona faailoga tikeri tau pulega po o e i ai lona pototo masani, e lē itiiti ifo i lo le lima (5) tausaga, i le pulea o se faalapotopotoga, matagaluega, faalapotopotoga a le Malo po o se isi faalapotopotoga ua faatonuina i le tulaga tau pulega; ma

(c) e i ai isi agavaa ua faatonuina faaletulafono.

(3) E tatau i le Pule Sili ona:

(a) avea ma Ofisa Sili o Pulega o le Faalapotopotoga; ma

(b) e nafa ma le fafoega ma le pulega o galuega a le Faalapotopotoga.

(4) Mo le faamoemoe o lenei fuaiupu ma le fuaiupu 33, o upu “inisinia agavaa” o lona uiga o se inisinia tau tomai faapitoa i galuega tau eletise ma malosiaga, ua i ai se tusi pasi aloaia tau faailoga inisinia a le o le matata tau eletise, faaeletoroni po o afi o masini.”

3. Aufaigaluega - I totonu o le fuaiupu 33(2) o le Tulafono o le Faalapotopotoga o le Malosi Faa-Eletise 1980, ia aveese le “ma i ai lona pototo masani faainisinia i mea tau eletise”.

**O le Tulafono o Teuteuga o le Tulafono o le
Faalapotopotoga o le Malosi Faa-Eletise 2014 o lo o
faafoeina e le Faalapotopotoga o le Malosi Faa-Eletise.**

**Lolomiina e le Failautusi o le Fono Aoao Faitulafono,
i le pule a le Fono Aoao Faitulafono.**